

仁 言

全 一 冊

中華民國二十四年一月初版

◎ 每冊定價大洋五分

(外埠酌加郵匯費)

著 述 者 悲 願 居 士

出 版 者 佛 學 書 局 表代 沈 彬 翰

愚園路一五四號電話三五五二四

總發行所 上 海 佛 學 書 局

分發行所 佛 學 書 局 分 局

- (一) 滬西分局：上海麥特赫司脫路電話三二四〇四
- (二) 中區分局：上海山東路福州路電話九二七九九
- (三) 閘北分局：上海閘北新民路中電話四二三四四
- (四) 長沙分局：湖南長沙玉泉街七十一號
- (五) 杭州分局：杭州西湖龍翔橋電話三一四九
- (六) 北平分局：北平東四南大街電話東局二二四四五

分 銷 處 外 埠 佛 經 流 通 處

悲願居士不相見十餘年頃邂逅滬濱縱談
竟日夕乃知其隱居鄉閭德日高貌益豐腴
而汲汲憂國之亂民之病不可終日出所爲
仁言見示何其深切著明可謂今之大文章
也朝野上下皆宜人手一編乾始能以美利
利天下仁者秉乾之道一言而天下誦之其
利大矣

弟謝无量敬題

砥俗儆世

林森



仁言利溥

于左



警

世

南

鍼

黃

郅



仁者之言

楊永泰題



迷津覺路

王用賓題



仁言利溥

呂超敬題



道之以德

焦易堂題



聖

世

洪

鐘

彭
光
題



悲願居士



現身說法

自題小照

無威而骨有顙。眉目和而神氣堅。仰泰伯之至德。遵祖訓以不愆。蒙父母教誡。荷師友全。承雙江學派。知三教真詮。守尼山四勿。視聽言動去非禮。而求衿影無慙。受佛門五誓。絕殺盜淫妄酒。終身持長齋而斷貪殘。本忠信篤敬。曾涉波濤。行蠻貊。遭患難。遇寇而履險如夷。夢穩心安。學老孔之行藏隱顯。修釋迦之出世因緣。爲各省區廳長處長。歷十年而不名一錢。任四川代表。一年兩度往返於京奉川鄂之間。遇當道下野。債高築而賣故鄉田園。居中央府院部署要職。值政府南移。而曾作北平一度災官。譽我曰清介。毀我者曰固頑。予實早視得失榮辱愛憎毀譽。恩怨冤親爲平等。發慈悲喜捨。無量心。於家於鄉於省於國。於此五濁惡世苦海茫茫中。抱救濟大願而作渡人舟船。

即曆二千九百五十六年己巳歲悲願居士識

仁言序

余甲辰入詞林後。旋丁內外艱。回里守制。戊申服闋。同如弟悲願居士結伴入都。時欽派出洋留學已停止。奉命入京師法政學堂肄習法政。居士亦考入是校。同學同居。先後四年。朝夕互以德業相砥礪。居士與余組織輔仁學會。約在京槐軒同門。講雙江之學。善相勸。過相規。策勵靜存動察。力行爲仁養氣。當是時。京師法政學堂監督喬茂護先生。重居士學術。亦折節入會。會員中居士年最少。而養氣之學獨深。每星期聚會講學時。茂老以聞道有先後。推居士主講。居士內功深純。談理入微。有時講至義理真切。發人深省時。茂老以桑榆晚景。難竟聖功。且爲之泣下。夫茂老之虛已下心。髦年幼學。固不可

及。而居士以少年主講。能使前輩降心受教。尤爲難得。蓋其中養之也厚。故其發之也宏。其修己也誠。故其感人也深。居士往歲交卸四川高審廳長後。服官外省。距今還鄉。相別十年矣。而學養更深醇。中間數歷京外。所至有聲。殆以菩薩乘願而現宰官身歟。居士學本雙江。道宗孔孟。能知行合一。其堂上二親相繼逝世後。發願報父母恩。茹素三年。嗣又加受佛戒。終身長齋。而其廉潔持躬。清風兩袖。猶是昔年長四川高審廳時。居士抱悲天憫人之懷。鑒於當代多患貪殘不仁之病。作仁言一書。以爲對症良藥。融會孔孟佛老之理。而歸於一仁。其闡發因果報應。死生輪迴。以儒經證明佛典。更見其理明確不易。世人妄云奉佛學道爲迷信者。讀之其亦可以廢然思返矣。居士以宇宙真理。發爲文章。信手拈來。頭頭是道。爲近今救世至文。闕

者。倘能因文以見道。覺悟而同頭。國家生民之幸。其在斯乎。余與居士早年共師事雙江劉子維先生。習存養之學。維師歸道山後。又同師其姪仲韜先生。三十餘年金蘭至交。知之最深。爰爲評其眉而序其端。以表歡喜讚歎云爾。

天彭如小兄賀維翰拜序

仁言序

余嘗讀論語及左氏傳。觀孔子生平於季路。冉有。公西華。陳文子。鬬穀於菟諸賢。均不許爲仁。獨許九合諸侯。不以兵車之管仲。不毀鄉校之子產爲仁。一弭內爭。一通民隱。其救世之心。昭然若揭矣。晚近狃於功利。樂戰爭。弋財賄。凡己之所不欲者。悉舉而加諸人。奇袤僨興。四維盡失。其勢不盡驅人類而禽獸之不止。嗤孔孟爲迂談。詆老釋爲逛迷。同流合污。相與蹈於陷溺而不自覺。所謂本心之仁。澌滅斷喪。無復毫髮之存。余每念此。未嘗不太息流涕而恨無術以挽救之也。悲願居士。以儒家而兼治法家。且又性耽老釋。遂於雙江之學。十八年夏還蜀。數相促談。間以余夙懷之所疾者面詢之。請爲發表。